

## TABULA,

EXHIBENS QUANTITATEM OPII, ANTIMONII  
ET HYDRARGYRI, IN MEDICAMENTIS  
QUIBUSDAM COMPOSITIS.



VINUM TARTRITIS ANTIMONII, in singulis  
unciis habet Tartritis Antimonii, olim Tartari  
emetici, grana duo.

TINCTURA OPII, olim LAUDANUM LIQUI-  
DUM, fit cum Opii scrupulis duobus in singulis  
unciis liquidi, sive cum granis quinque in singulis  
drachmis. Tincturæ autem drachma, ut liquo-  
ris evaporatione constat, continet Opii grana cir-  
citer tria cum semisse.

TINCTURA OPII AMMONIATA, olim ELIXIR PAREGORICUM, fit cum Opii granis circiter octo in singulis unciis liquidi; sive cum grano fere uno in singulis drachmis.

TINCTURA SAPONIS ET OPII, olim LINIMENTUM OPIATUM, ET BALSAMUM ANODYNUM, fit cum Opii scrupulo uno in singulis unciis liquidi.

PULVIS IPECACUANHÆ ET OPII, olim PULVIS DOVERI, in singulis drachmis habet Opii grana sex, sive in granis decem, Opii granum unum.

ELECTUARIUM MIMOSÆ CATECHU, olim CONFECTIO JAPONICA, in singulis unciis habet Opii grana circiter duo cum semisse: In granis enim centum et nonaginta tribus, habet Opii granum unum.

ELECTUARIUM OPIATUM, olim THEBAICUM, in singulis drachmis habet Opii granum fere unum cum semisse.

PILULÆ HYDRARGYRI, in singulis drachmis habent Hydrargyri grana quindecim. Singulæ pilulæ habent Hydrargyri granum unum.

PILULÆ OPIATÆ, olim THEBAICÆ, in singu-

lis drachmis habent Opii grana sex. Pilula granorum quinque, habet Opii granum dimidium.

TROCHISCI GLYCYRRHIZÆ CUM OPIO, in singulis drachmis habent Opii granum fere unum.

UNGUENTUM NITRATIS HYDRARGYRI FORTIUS, in singulis drachmis habet Hydrargyri grana quatuor, Acidi Nitrosi grana octo.

UNGUENTUM NITRATIS HYDRARGYRI MITIUS, in singulis scrupulis habet Hydrargyri granum dimidium, Acidi Nitrosi granum unum.

UNGUENTUM HYDRARGYRI, in singulis drachmis habet Hydrargyri grana duodecim; cum duplici Hydrargyro, drachma habet grana viginti quatuor.

EMPLASTRUM HYDRARGYRI, in singulis drachmis habet Hydrargyri grana circiter sexdecim.

